



武備志
貳百七之貳百八

ケ 5
61
71



武備志卷二百七

防風茅元義輯

占度載

度十九

鎮戍四

延綏

職方考曰延綏古上郡地國初築東勝等城戍守河外自巳巳失守火篩入據套內始議徙鎮榆林云鎮城遠在絕塞肩背受敵神木以東據河為守

武備志卷二百七 占度載 度 鎮戍四



神木以西舊邊圯甚自鎮靖寧塞瓦查梁定邊等處川原平曠處處直通虜巢矣東起黃甫川過黃河抵山西偏頭關界西至定邊堡僅抵寧夏花馬池界邊長一千有餘里境外套虜子孫襖兒都司等部落住牧

按神木黃甫川孤山高家堡鎮靜舊安邊清平寧塞保寧波羅榆林城清水永興雙山威武懷遠磚井靜邊柳樹澗大栢油栢林俱極衝

河套即秦所取匈奴河南地也東至偏頭西至寧

夏三面阻河南鄰邊東西幾二千里南北八九百里河之北一受降城在焉受降城東爲東勝已巳之變東勝失守火節遂南掠因知河套所在大據其中嘉靖間有吉囊者分地河套當關中最饒分三部兵所稱襖兒都司是也吉囊死其子扳不孩不及兒台吉嗣今酋長切盡黃台吉卜失兔莊禿賴着力兔宰僧分部擁衆時時爲延寧患萬曆二十九年下詔許復款貢市如舊云

兵略曰延綏榆林鎮邊外住牧夷人

碑水灘是營名河套酋首卜石兔任牧與榆林
鎮城相對部落約一萬有餘離邊二百餘里在
榆林紅山互市

迤東神木孤山黃甫川建安一帶邊外樺子山
脫兒川鎮川任牧酋首威正等部落約六千有
餘離邊二百餘里酋首
威正卽莊兔賴台吉故
妙忽兒台吉存
沙計台吉存

及賓台吉故

挨太賽林故

迤西嚮水波羅定邊一帶邊外黑河打狼河明
水湖跨馬梁任牧夷人切盡黃台古等部落約
三萬有餘離邊二三百里不等接連寧夏地方
花馬池在延綏紅山互市在寧夏清水營互市
酋首
猛克什力台吉存是叛夷部落八千有餘
切盡黃台吉故

老娘子故

白馬台吉故

卜言太存

蒿台吉故

火落赤存


明安存

鐵雷存


拓不能存

旗牌台吉是叛夷部落五千有餘

武備志卷之二 占度載 度 鎮成四



延綏邊圖 本鎮邊界東自山西邊老牛灣起西至寧夏鎮邊長二千五百餘里



將領

鎮守一員

鎮西將軍總兵官

舊設駐鎮城

協守一員

定邊右副總兵

定邊營又有遊擊守備都司三員嘉靖四十一年革遊擊都司

添設總兵分守安定鎮靜等處提調大

分守六員

分守孤山叅將

舊為東路左副總兵鎮城協守隆慶元年改駐孤山萬曆四年

改此所屬黃甫川一守備

東路右叅將

舊設駐神木堡所屬高家堡大柏油堡二守備

西路左叅將

舊駐舊安邊營成化間移駐新安邊營嘉靖二十一年復駐舊安邊

營

中路叅將

嘉靖四十三年添設駐鎮靖堡所屬靖邊營守備

分守清平叅將

舊係守備四十五年改設遊擊將軍萬曆四年改設

榆林休寧叅將

萬曆四年添設分守魚河歸德波羅響水保寧常樂雙山鎮川

堡

遊擊將軍二員

左營

舊係鎮城

武備志卷二百七

占度載度鎮成四

右營 舊係領軍二員俱萬曆
十一年改仍駐鎮城
 入衛遊擊四員 駐鎮城每年輪流
二員入衛薊鎮
 守備十一員

高家堡 嘉靖二十
九年添設

寧塞營 嘉靖四十
三年添設

靖邊營 萬曆元
年添設

黃甫川 此下三員舊係操志
俱萬曆元年改設

大柘油堡 專屬東
路叅將

甄井堡

波羅堡 萬曆四年移魚河守備
改駐此兼管響水一堡

雙山堡

清水堡 以上二員舊設萬曆
八年革十二年復

懷遠堡

柳樹澗 以上二員萬曆
十三年添設

坐營中軍官一員

鎮城 嘉靖三十
三年添設

城堡臺牆

見存城垣六十一座民寨堡城一百四十九座寨

武備志卷二百七 占度載 度 鎮成四

城五十五座、空心敵臺二百三十九座、敵臺一百一十六座、墩臺一千三百一十六座、

兵馬

原額官軍八萬一百九十六員名、見額五萬三千二百五十四員名、原額馬四萬五千九百四十四匹、見額馬羸三萬二千一百三十三匹頭、

糧餉

原額屯糧料六萬五千八百四十五石、草四萬三千三百七十二束、地畝銀一千一百二十四兩、

運糧二十八萬石、淮浙鹽二十萬引、京運銀一十萬兩、見額主兵屯糧料五萬六千四百八十七石、三斗八升、草六萬一千五百五束、地畝銀一千四百六兩一錢六分、
國初屯田三萬七千七百五十六頃二十二畝、維時虜不過河、軍士得於套內耕牧、糧草數至盈十萬、成化十二年、年築榆林城、調延安綏德軍馬填實、其中計三衛屯糧共得五萬六千餘石、自弘治十二年以後、虜酋據套、屯利漸失、至今數比舊額減將及萬矣、
民運糧料九萬七千八百二十六石八斗九升、草七千九百四十二束、折色銀一十九萬七千四百三十三兩、
國初額派山東河南諸省民運俱從、巡撫等臣酌量三邊地方緩急分給濟用、

成化十九年始派本省西安等府民運二十八萬
 餘石及河南布料價銀三萬三千兩弘治十六年
 改西安延慶三府稅為拋荒折色二萬石正德十
 年又將三府本色盡徵折色嘉靖三十三年議本
 折兼用隆慶二年盡復本色至今同又有河運自
 嘉靖四十五年於府谷縣開運河每年操船二二
 十隻動支兵餉銀兩往山西與臨保德地方淮浙
 糴買糧米運赴該縣以濟黃甫川九堡之急
 鹽一十五萬六千四百八十二引該銀六萬七千
 六百二十五兩五錢二分五釐國初開派不時多寡不一多至四十一
 萬引亦有河東福建山東等處至嘉靖間始定主
 客兵元年以歲用不敷開十四萬引三十一一年開
 一十七萬一千四百餘引至四十五年始定此數
 以給放官軍月糧及新增募軍之費又有茶引銀
 自成化十年始但支官銀於漢中府買茶易馬至
 弘治十四年始召商報中初開五百萬斤旋減至

四百萬斤京運年例銀三十五萬七千二百六十五兩
 二錢一分本鎮軍餉取給民屯原無京運年例天
 順八年發銀十五萬兩成化十六年發
 十萬兩分送三邊以濟急一時後遂為例自正德
 至嘉靖初每歲發三萬兩八年虜入套始發二十
 萬兩嗣後漸增至四十五年發二十一萬七千二
 百六十五兩二錢一分萬曆五年發二十八萬七
 千二百六十五兩二錢一分八年客兵淮浙鹽七
 再加給七萬兩運舊合得此數
 萬引該銀二萬九千七百五十兩始自正德六年
 池鹽召商報中五萬引以備客兵至嘉靖八年開
 淮浙山東長蘆鹽七萬引十九年額派鹽銀二萬
 九千七百五十兩後止京運年例銀二萬二百
 派淮浙其引銀數至今同
 五十年正德十四年因達賊出套始發客兵銀五
 萬兩嘉靖九年發七萬兩八年以後

或四萬或二萬十九年增至七萬三十二年至八萬四十五年始以八萬為定制萬曆八年議五萬兩除鹽引銀二萬九千七百五十兩外今發京運銀止此數

寧夏

職方考曰寧夏古朔方地東南距河西西北倚賀蘭山故稱沃壤國初虜道漠北患在河西頻年虜據套內患在河東由平虜至花馬池三百餘里尤甚虜一入則西可以窺寧固南可以窺慶陽故後設後衛每歲督府移駐防秋中衛僻處西隅數苦山後之虜自松山恢復循索橋而上築城固守直接

鎮番虜患較舊稍息云東起大鹽池抵延綏宣邊界西至石空寺抵固原蘆溝界邊長一千八百餘里境外東係虜酋黃台吉西係着力兔宰僧黃婦捨打河苦的大鐵雷合落赤等部落住牧按中衛花馬池平虜廣武興武玉泉橫城石空寺清水安定大垣俱極衝

兵略曰寧夏鎮兩河邊外住牧夷人

河東邊外夷人俱在清水營廠互市

跨馬梁青沙湖是河套營名與榆林清平定邊

相對離花馬池邊五百餘里任牧酋首

切盡黃台吉并妻妣故係已故禱台吉男婦

部落約三千有餘生六子

長子捨打大

對中二子苦的大

三子不言大

四子本的大

五子奔把什力

六子打刺什力

女婿

齋生倘不能

黃台吉弟琴賽台吉

貼賴即鐵雷係黃婦姪男部落約一千有餘

滿克素阿不害即火落赤係黃婦姪男部落約

二千有餘生四子

長子補打太

二子補打奈

三子卜彥阿不害

武備志卷一百一

占度載

度

鎮成四

世

四子卜思合兒

女婿

教骨大倘不能

根卜倘不能

把兔係黃婦長孫部落約一千五百有餘

教忽洞五坐山是管名與興武清水管相對離

邊三五百里不等住牧酋首

着力兔台吉故部落約二千五百有餘生五子

長子打刺克汗阿不害即杭大又改名合收

氣

二子炒克兔阿不害即炒兔黃台吉在河西
住牧

三子那木生革

四子多兒計

五子土罷

女婿

炒力可倘不能

新倘不能

武備志卷三十一 占據載 度 鎮戍四 莊

農兔倘不能

打正台吉即宰僧故係着力兔第部落約一千五百有餘生二子

長子松栢

二子松梅

女婿

為正倘不能

爾計倘不能

沙兔倘不能

河西邊外夷

黃河岸老虎山是管名離平虜邊八百餘里住

牧夷人俱在平虜廠互市酋首

丑氣把都兒部落約一千五百有餘生五子

長子乞探即獨刺台吉

二子古節氣

三子寨賽

四子土昧

五子苦宿大

武備志卷三 占獲載 度 鎮成四 莊

苦素阿不害，即威靜着力兔係丑氣三弟部落，約一千五百有餘生，二子。

長子沙阿

二子朵吉

女婿

卜味倘不能

屋逆貴係丑氣姪男部落約一千有餘弟兄五人

二弟額什革

三弟實班打兒

四弟聶荅大

五弟矮僧

女婿

烟吉倘不能

打兒沙係丑氣姪男部落約一千有餘弟兄六人

二弟阿吉大

三弟業克氣

武備志卷二百七 占度部 度 領成四 七百

四弟額思克

五弟敏當

六弟納木什哈

女婿

同懷倘不能

賀蘭山後長流水蒲草泉等處是管名離邊

三百里不等住牧酋首

炒兒黃台吉係河東酋首着力鬼一丁男部落約

五百有餘在清水營廠互市

賓兔故部落約一千有餘生五子在中衛廠互市

長子那木大在甘鎮邊外西海住牧

二子我琴革存

三子麻計存

四子土賣故

五子明安兔故

女婿

脫計倘不能

克禮凍倘不能

炒哭兒，卽歹成係丑氣，二弟部落約一千有餘
生二子，在中衛，厥互市。

長子矮木素

二子三見

女婿

貢銀倘不能

大逞倘不能

虎賴哈氣倘不能

扣兔倘不能

青倘不能

蟒克捨兒倘不能


喇叭，卽銀定，弟土門大兒係歹成，姪子是叛夷
部落約六七百，每遇生菓，向諸酋首借兵。
平虜起賀蘭山後，止與洪廣鎮北相對，住牧流
移達子，卜倘等係河東套酋，中我兒部落約三
百有餘，無賞。

玉泉營邊外赤木口大沙窠，住牧流移達子，游

言兒等係河東套酋吉囊部落約三百有餘無
質



廣武邊外東連玉泉營西接中衛各水鎮馬跑
泉紅山水蒼兒井等處住牧流移達子納阿太
等係河東套酋黃婦部落約二百有餘在清水
營廠互市

散原營互市
青崗不詳
喇嘛寺不詳



武備志卷三
占度
度
鎮
戊
四

武備通志卷之四十四 固原鎮邊城圖



寧夏邊圖 木鎮邊界東自延綏鎮邊起西至固原鎮邊止沿長一千八百餘里

武備通志卷之四十四

四

將領

鎮守一員

征西將軍總兵官舊設

協守一員

副總兵舊設俱駐劄鎮城

分守四員

東路右叅將舊設駐劄花馬池

西路左叅將舊設駐劄寧夏後衛

靈州左叅將每年河開之後移駐清水營防守河凍往來靈州通防橫城至秦隴

沿河一帶地方

北路平虜城叅將舊設

遊擊將軍三員舊有入衛遊擊一員萬曆八年革

鎮城舊有二員萬曆八年革一員

興武營

廣武營上一員舊係操守嘉靖十七年改為分守萬曆九年改設

守備三員舊有備禦領班二員萬曆九年革

玉泉營舊守郡岡堡嘉靖九年革十二年改守

石空寺

以上二員萬曆十二年添設

坐營中軍官二員

巡撫下千總隆慶二年添設

總兵下舊設

管理鎮城都司一員

舊設舊有領班都司二員萬曆九年革

管理水利屯田都司一員

舊設萬曆八年革十一年復

城堡臺墻
見存營堡城九十四座關城六座敵臺三十五座墩臺五百三十四座關隘三十三座

兵馬

原額馬步官軍七萬一千六百九十三員名見額
二萬七千九百三十四員名原額馬二萬二千一百八十二匹見額一萬四千六百五十七匹

糧餉

原額屯糧料一十萬七千四百九十七石草一百六十八萬七千四百七十四束民運糧二十萬石鹽一十萬八千引京運銀四萬兩見額主兵屯糧料一十四萬八千三百三石八斗屯草并秋青草

一百八十萬七千三百五十八束折色糧草銀一
 千七百四十五兩四分地畝銀一千二百九十兩
 一錢七分四釐本鎮屯田厥號膏腴永樂間田一
 萬五千六百二十四頃七十六畝
 徵糧一十八萬七千四百九十七石正統四年以
 後田失原額糧反倍增嗣是屢經清勘減免弘治
 十三年查與永樂年間數同正德嘉靖以來河崩
 沙壓議減徵或免徵至于今比原額減五分之二
 若地畝銀則又民運本色糧一千三百四十九石
 額外續增者
 二斗九升本色草二萬五千二百九十五束折色
 糧草銀一十萬八千七百一十九兩五錢二分國
 初
 軍儲止取給屯鹽等糧未有民運正統六年邊警
 漸起軍興不給始議於本省稅糧斟酌撥運赴蘭

環等縣交納以備緩急以後撥派俱無定數正德
 七年坐派本省稅糧一十三萬四千餘石草一十
 六萬餘束除本色外糧每石折銀七錢草每束
 折銀三分共該銀一十萬八千餘今仍此例
 浙鹽一十九萬六千九百九十四引二十八斤該
 銀八萬一千六百九十四兩九錢零正統景泰間
 此以河東靈
 州鹽課開中馬匹成化間始派山東福建鹽引弘
 治六年因二省鹽引阻滯始議開淮浙等鹽嘉靖
 八年定淮浙鹽銀三萬三千三百三十兩給客兵
 為額派十年又開淮浙長蘆鹽銀一十萬一十五
 百八兩給主兵為補歲用不敷以後間有請發皆
 係例外或常股或存積或工本水鄉等鹽不一隆
 慶萬曆以來工本水鄉等鹽停止預派淮浙常
 股存積二鹽太約不越八萬餘兩主客通融支給
 京運年例銀二萬五千兩國初無專發正統七年
 議將徽州府解京折銀

三萬六千六百餘兩轉解陝西分送邊鎮至成化
二十二年始發銀四萬兩為例以後弘正間增減
不一或二萬或三萬有警增至十餘萬俱例外接
濟嘉靖三十四年軍馬減少定發銀止此數至今
同或以該省商稅及事例銀抵客兵京連年例銀
補近又以四川改解銀扣算
一萬兩 客兵銀自正德十一年始發銀十萬兩通
年奏討解發不一嘉靖二十四年始定年
例銀二萬兩適因北虜款塞未
發止發銀一萬兩為互市之用

武備志卷二百七

武備志卷二百八

防風茅元儀輯

占度載

度二十

鎮戍五

固原

職方考曰固原舊開拓縣地國初虜遠塞外所備
只靖虜一面耳弘治以來寇在門庭始立州衛設
總督虜以重兵鎮以大將稱重鎮焉該鎮迢遞六

千餘里地當四衝自臨洮設而聲援易及西無海
虜之虞自松山後而城堡相聯北無靖虜之警藩
籬固而堂奧漸安矣東起蘆溝抵寧夏石空寺界
西至靖虜抵臨洮蘭州會寧界新疆東北大卜蘆
塘抵臨洮三眼井界

臨洮古吐蕃地阜蘭南峙黃河北遶夙號形勝舊
屬固原相去千有餘里往往筆長難及萬曆二十
三年議設鎮守專制西陲半壁凡蘭河洮岷階文
咸隸之屹若巨鎮焉自松由新闢拓地三百餘里

築城建堡屯戍相望金城以南蘭靖莊涼永堪保
障矣東自會寧抵固原靖虜西至弘化寺抵甘肅
鎮莊浪界迤北至松山永太川邊墻迤南由黑城
子至洮岷四川松茂界境外北有松虜流虜南有
海虜等往來任牧餘係各番族

按紅水河洮岷歸德俱極衝

松山東扼黃河北阻賀蘭西巨莊涼南綴蘭靜延
袤千餘里其地故屬漢唐宋淪于夷至我朝三犁
盡有其地屯牧封樹號為沃區設立河西五郡以

武備志卷二百八
隔絕胡虜翼護羌夷保障兩河是大小松山所恃以斷匈奴右臂者也自隆萬間款市日久招致貧酋携第着力兔宰僧子阿赤兔額勤革麻記塔儻不浪盤窟其中於是就近築邊舉額內屯牧墳地及三層墩臺盡棄之莊浪僅成一線矣萬曆二十六年出兵恢復了築戍守割大小蘆塘等處屬固原紅水河三眼井等處屬臨洮阿堪嶺大靖城土門兒等處屬甘肅自黃河索橋起至土門止共四百餘里而蘭靜莊涼一千四百餘里之冲邊今俱

稱內地矣

兵略曰固原鎮邊外夷人係寧夏賀蘭山後酋首銀定麻計我琴章等或有時犯邊臨洮鎮邊外夷人係甘鎮邊外西海一帶佳牧酋首鐵雷火落赤真麻台言諸酋時常搶畜及犯臨洮岷州地方

將領

鎮守一員

總兵官 舊居會城今移鎮固原

分守六員

洮岷副總兵

舊係守備嘉靖十一年改

河州叅將

舊係守備嘉靖三十八年改設

蘭州叅將

舊為固原叅將嘉靖九年改設

靖虜叅將

舊係守備隆慶四年改設

陝西叅將

萬曆九年添設

階文西固叅將

舊係守備萬曆三年改設所屬

文縣三千戶所

擊將軍四員

舊有中路遊擊一員萬曆八年革

固原東路

舊設在紅德城駐劄應援東路乾溝乾澗花馬池等處

固原西路

嘉靖二十年添設領兵三千駐劄西安州應援西路蘭靖莊涼等處

總督下左營

原係標下萬曆十二年改設駐固原

總督下右營

萬曆十一年添設

中軍官一員

總督下

萬曆八年添設

守備八員

固原 舊守蘭州嘉靖九年改

岷州 此下俱舊設

環慶

西固城

文縣 嘉靖二十九年添設

漢中 嘉靖四十四年添設

永安堡 舊裴家川堡隆慶五年改名添設守備

舊洮州堡 隆慶五年設操守萬曆十二年改守備

坐管中軍官一員

總兵官下 萬曆四十四年添設

城堡臺牆

見存城堡八百八十五座戰敵等臺八百二十座

護城堡墩敵角臺四千一十座

兵馬

原額官軍一十二萬六千九百一十九員名見額

九萬四百一十二員名原額馬羸牛三萬二千二

百五十四匹頭隻見額三萬三千八百四十二匹頭

隻

糧餉

原額屯糧料本色三十二萬四千六百二十二石
 四斗二升三合屯草二十二萬九千七百五束秋
 青草一萬四千二百二十七束折色糧料草銀共
 三萬八千三百三十三兩一錢六分八釐四毫六
 絲地畝銀六千七百七十三兩九錢四分三釐五
 毫五絲民運本色糧料四萬二千一百三石八斗
 八合草一萬六百九十六束布六萬五千八百四

十六疋花二萬九千一百一十斤八兩折色糧料
 布花銀共二十八萬三千六百三十一兩二錢七
 分八釐六毫鹽七萬二千八百五十七引京運銀
 四萬八千八百七十一兩二錢犒賞銀五百八十
 八兩八錢二分二釐五毫見額屯糧料本色三十
 一萬九千四百六石五斗五升四合六勺屯草一
 十八萬六千二束秋青草一萬四千二百二十七
 束糧折布一百五疋二丈二尺五分六釐折色糧
 料草銀共四萬一千二百四十兩五錢九分二釐

四毫三絲地畝銀七千兩三錢七釐三毫四絲牛
 具銀一百九十六兩一錢五分七釐五毫五絲五
 忽國初田八萬七百餘頃糧止三十二萬餘折色
 銀止三萬八千餘草止二十三萬九千餘至嘉
 靖初年糧增至四十四萬五千餘草五十八萬三
 千餘邊餉稍稱給其後屯政漸廢糧料漸減四
 十一年雖經清查尚少十萬至隆慶五
 年糧額益縮萬曆六年冊報數若此民運本色
 糧料四萬五千三百二十五石二斗六合四勺草
 八千六十三束折色糧料草布花銀共二十七萬
 九千二百九十六兩六錢一分九釐三絲未設鎮
 之先民
 運無額除分三鎮外餘聽巡撫酌量分發備用弘
 治十四年太虜住套空運八府粟隨軍供給正德

十年坐派民運糧一十八萬草四十二萬至嘉靖
 二年糧增至三十八萬餘石草增至五十四萬餘
 束以後或增或減大約不出此數十年以後本
 折中半隆慶以後本色不及二分餘俱改折色
 浙鹽六萬八百五十六引一百九十八斤該銀二
 萬五千三百七十一兩六錢五分一釐自正統成
 化以後節
因督撫諸臣題請開派不一或十餘萬兩或二十
 餘萬兩亦或有長蘆山東至嘉靖十八年開引鹽
 三萬兩始定為例次年暫停二十年以後俱照數
 開派三十一年以後減至二萬四千兩後又減至一
 萬七千四百三十九兩隆慶二三年間又京運銀
 減數千萬曆元年仍此今歲報數如前
 六萬三千七百二十一兩八錢二分犒賞銀一百
 九十九兩一錢三分自正德年間以虜聲息發銀
 二十萬兩嘉靖初又添十萬

武備志卷三十八 占度載 度 鎮戍五

兩十七年始照二邊事例發大倉年例銀三萬兩
後節年增至七八萬兩但臨時酌處未有全數至
四十五年定經制減為五萬兩隆慶初以新募軍
又增至八萬九千二百七十餘兩萬曆六年主客
兵共五萬八千四百七十餘兩內以布政司折俸
餘銀照國公地租肅府莊田銀四兩改解銀抵扣
餘發太倉銀補足外西漳二縣鹽課銀二千兩
自二年為始積至五年始一扣算抵充年例
甘肅

職方考曰甘肅古西河四郡國初定河西盡嘉峪
關為界外設哈密四衛以為藩籬自哈密散亡亦
不刺竄居西海吞噬番族諸鎮從此苦虜虜款以
來假道搶番火永諸酋流牧近地患益棘焉東自

松疆阿堪嶺起抵臨洮雙墩子界西至嘉峪關邊
長一千八百餘里境外北有松虜流虜瓦刺南有
流虜火永阿歹諸酋及諸番住牧

按肅州鎮番永昌尊臺鎮夷鎮羌紅崖清水嘉峪
關太松山阿堪土門金塔寺蔡旗堡俱極衝
哈密在肅州西于二百里漢西域唐伊州也元族
屬威武土安克帖木兒居之永樂間封為忠順王
即其地置哈密曲先罕東罕東左四衛西域天方
等二十八國咸就譯遣乃貢其後七傳為土魯番

武備志卷三十八
滿速兒所逐遂遷哈密罕東諸部散之近地哈密
竟不復矣

兵略曰甘鎮邊外住牧夷人

西海離邊三五百里不等盤住夷人

酋首永邵卜乞慶黃台吉等部落二萬有餘住
牧甘鎮邊外在於宣府張家口互市領賞此虜
交通鐵雷火落赤真廂台吉那木大等搶掠西
番及進貢回夷不敢侵犯甘鎮地方

酋首鐵雷係東虜因往西海迎佛貪戀蟒刺川


捏工川水草野牲及搶番得利盤據西海與火
落赤真廂台吉等聚結虜衆假以搶番竊犯洮
岷河州地方部落約二千有餘

酋首火落赤係東虜因迎佛戀住蟒刺捏工兩
川與鐵雷等接連搶番及犯洮岷河州地方部
落約二千有餘


酋首真廂台吉係東虜流住西海同鐵雷火落
赤搶番擾邊

酋首那木大係賓兒長子先年住牧甘鎮松山

地方甘鎮議築新疆太兵出邊勦殺此酋帶領
部落逃奔西海部下夷人五百有餘約同鐵雷
火落赤等搶番犯邊夷第我琴革麻記逃奔寧
夏地方賀蘭山後任牧
以上諸酋任牧西海搶番族掠回夷時常竊犯
洮岷歸德地方因懼甘鎮兵馬不敢侵犯甘鎮
地方



嘉峪關 度 鎮戍五



甘州邊圖 本鎮邊界東自同原鎮邊起西至本鎮嘉峪關止沿長一千五百餘里

馬營溝

十一

將領

鎮守一員

平羌將軍總兵官

舊設駐劄鎮城

協守一員

甘州左副總兵

舊設嘉靖四十四年會暫駐高臺防禦其平川守備鎮夷標守

悉聽節制隆慶四年令仍回鎮城照舊協守

分守五員

涼州右副總兵

舊設

莊浪左叅將

舊設所屬紅城子鎮羌二守備

肅州右叅將

舊設

西寧叅將

舊設

鎮番叅將

舊設後改為守備正德四年改設

遊擊將軍四員

莊涼

嘉靖二十三年復設後移駐安遠站四十年移駐黑松堡萬曆二年令統領西寧

上班兵馬赴石灰溝屯駐兼管西南二州通海路

高臺

舊設萬曆八年

碾伯

萬曆十一年復設

巡撫標下

隆慶五年添設駐鎮城

坐營中軍官一員隆慶四年設以都指揮體統

守備十員

洪水堡舊設

山丹衛舊設

紅城子堡舊設

鎮羌堡舊設

寧遠堡舊為永昌守備隆慶六年改駐

平川堡嘉靖二十九年添設駐答高臺

嘉峪關隆慶三年添設

古浪舊設萬曆八年革十一年復

巴暖三川

北川碾伯改

鎮夷以上三員舊俱操守萬曆十一年改

領班補禦和司四員

甘州頭班

甘州次班

涼州頭班

涼州次班以上四員舊設隆慶元年革萬曆十一年復上班聽候分布甘涼地方下

班駐臨
洮鞏員

城堡臺墻

見存城垣堡寨四百九十五座關隘一百四處

兵馬

原額官軍九萬一千五百七十一員名見額四萬
六千九百一員名原額馬二萬九千三百一十八
四見額馬羸二萬一千六百六十三頭

糧餉

原額屯糧料六十萬三千一百八十八石四斗二

升屯草五十四萬九千七百三束民運糧二十四
萬六千七百四十四石京運銀六萬兩鹽七萬五
千引見額屯糧料共二十三萬二千四百三十四
石二斗三升八合四勺草一百七十五萬三千二
百九十二束秋青草一百七十九萬七千五百四
十五束折色草價銀二千一百九十四兩七錢九
分七釐湖蕩草七十五萬九千四百一十三束
國初
甘州左等十五衛屯地足供軍需正統以前豪勢
侵占欺匿稅糧四年通行挨勘遂得六十餘萬石
舊額漸復後復迷失成化間止得二十餘萬嘉靖
間節次清查亦不能過此以後開墾荒田至今仍

得此民運糧布折銀二十九萬四千九百五十九
 兩五錢八分六釐正統二年分撥該省本折秋糧
 二十餘萬并添運糧料以濟邊
 儲成化八年又將徽州府小麥改徵折色以益之
 成化元年額漲三十八萬有以多寡不一正德
 間較之弘治又增十萬餘右嘉靖隆
 慶間差多於正德至今冊報若此京運銀五萬
 一千四百九十七兩八錢一分初無定額成化二
 十三年始發銀六
 萬兩自後歲以為常間有多發或作下年例或作
 例外接濟嘉靖三十年增至十萬五千二百兩四
 十五年定為二萬二千九百餘兩客兵銀則二萬
 兩降慶元年因工本鹽停止主兵銀補發至五萬
 一千餘兩淮浙鹽二十七萬七千引該銀一十萬
 遂為定制主客兵費俱資鹽引或因邊警
 二千一百五十兩
 動調或因地方荒歉開派多寡

不一嘉靖八年額派淮浙客兵鹽共十五萬引該
 銀六萬八千三百餘兩十一年議補歲用不敷十
 二萬五千七百六十引該銀四萬九千九百三十
 二兩四十五年改派兩浙鹽十五萬引該銀四萬
 五千兩兩淮鹽十二萬七千引該銀五萬七千
 百五十兩以後遂為經制至於茶引近不易馬止
 中茶四百萬
 斤以資邊儲

武備志卷二百八

一、...
 二、...
 三、...
 四、...
 五、...
 六、...
 七、...
 八、...
 九、...
 十、...

